


西藏志考



叙

丙辰之夏余散遊於幕府書舍見書案頭著作林立不及誦談順捻一冊乃西域全書潛心細閱研究源流以晰其微言與義不遇僅獲其之要况唐至今千有餘歲強理之制風景之殊衣冠人物之異毋遠善祥難載諸籍者未必備誌今有不憚其繁著此語錄以詔末茲皆以難明善考之事包括於片言尺牘之中而毫無一事謂得其精請之所在為後世之津梁者矣第是書之博也端委詳明歷歷不爽快披讀者一目了然無俟旁稽與引是良不妄之意無非欲度良之意也若以此書之在曩故不可不閱其在今日者尤不可不閱也相故後世無從遊覽遐稽庶幾不無所裨云云

西藏誌攷一書義目未及見余從戎藏地偶於新城書舍披閱子銘氏西域全書較之彼地形勢風俗纖毫無異且內攷輯文禮敏捷不相累重俾讀者而易於識韓者即周書余遂函為訂誌載之行筒驢背中以公四方廣聞誠為罕有快事哉然余少學愧不成叙聊述其概云爾皆

乾隆元年丙辰歲春三月江左

西藏誌攷

歷代事實

西藏一隅古鑑多未載考其地即土番也唐曰烏斯國明日烏斯藏今日圖伯

特又曰唐古特居在高峯之中礪山帶河為西方極勝之區環山拱合成勢
百源積流成江自墨竹工卡而下繞召之南西去頗得天地之靈脉西有布達
拉之奇飛閣層樓麗色奪目別舛色拉耳丹桑烏四大寺拉朝四方東於川
滇為界西於湟中接壤通西洋之國達噶斯之地其天文係井鬼分野時歲
稍寒產物有限地多水泉人皆以為海眼春則凍解而開夏秋陰霖覺盛夫
分為三部落曰康曰衛曰藏康者即今之察木多一帶衛者即西藏拉撒之一帶
藏者即後藏扎隆布之一帶此三部皆為番僧教黃教總匯其地人民尊
尚佛教教信喇嘛所最崇信者如班禪喇嘛達賴喇嘛噶瑪巴紗瑪納等輩
其他不迷性之呼圖克在皆不能枚舉俱為人所崇信俸如靈神欽如

活佛又所呼呼圖克者乃係生則知前輩事人故教之然番民土俗鄙污不堪人
皆垢面蓬頭形類犬羊無論僧俗莫不以利是貪為上古不化之地自唐
孝德皇帝以公主下嫁番王合親之後始與中國通往來其國之始番王乃額特
奔固禮之後馬克扎巴之子納禮藏布傳教世至獲隆藏干布其事始大並
西番地內附於唐唐以公主妻之而蘇隆藏干布娶白布國王之女為妾唐公主好
善修大小二召並築城布達拉為宮室唐番二主各定疆界設立誓盟不相擾
犯立碑於大召之前永為誓約昔唐三藏取經曾履此地今大召之前廊尚
繪有師徒四眾之像云猶八戒招親之高老庄即今之蔡里越年來久未能
詳細自唐而下歷宋元未聞有其國至明萬曆曾遣太監楊英至此並

封楚布寺葉郎寺之名封黑帽呼圖克噶嗎巴紗嗎納二人為西天大善自在
如來大寶法王貫頂大國師賜予印冊封甲操楞布氣欽儀玉楞布氣二人為
灌頂禪師迨後至我朝

太宗之崇德七年班禪額爾德泥達賴喇嘛固始汗謂東土有聖人出遣使
達盛京約行善事歲通貢表西藏大召之地呼為拉撒拉撒即佛地字
舊有城廓設九門於康熙六十年為定西將軍護國公策旺諾爾布所
毀築東南石堤自東北即路山脚起至布達拉對面小山召拉筆洞止長約
十三里以遏藏江之水勢今呼為神堤每歲正月聚各寺喇嘛於大召內念
經畢令衆喇嘛各增一石添砌惟此乃喇嘛一功至番王蘇隆藏于布乃觀

音菩薩分體之光化生故常在輪迴而其本性不昧曰根敦納巴根敦姜錯朔
諾木姜錯雲旦姜錯阿旺羅藏姜錯羅進仁進澤策姜錯相繼轉生凡六世
皆稱為達賴喇嘛而與西域之黃教為第五輩達賴喇嘛曾入覲

世祖章皇帝勅賜金章冊封為承領西天佛教普覺漸濟達賴喇嘛時有蒙
古古石罕自青海起兵滅藏巴罕據其地至其達子彥罕孫達賴罕皆教
中國後有磔巴三郎專國倡亂古石罕曾孫拉藏罕滅之

聖祖仁皇帝褒封命嗣為罕而達賴喇嘛又化生於裡塘地方名噶爾藏嘉嘉莽
青海諸王稱呼必爾罕重人稱甲巴革桑姜錯生始二歲為西海諸王搬至
西寧之塔爾寺坐床為西方瞻仰適諱噶爾逆賊策旺阿拉蒲坦妄自生

○
蒙自伊土遣其賊將軍車敦多布領兵攻殺拉藏罕毀滅黃教荼毒生靈肆行倡厥蹂虐地方

聖祖仁皇帝天德為心慮一隅之未靜有一夫之不安時遣滿洲將軍額倫特京城滿洲將軍色楞額並革職四川提督康泰統領滿漢兵四千餘騎分道進征直渡通天河三敗賊衆而車敦多布遣將統道過我糧餉軍中食竭將兵枵腹驅馳至哈拉烏蘇為車敦敦多布所犯全軍被覆其提督康泰至拉里之西亦為賊僧黑喇嘛誘殺賊衆復逞螳背大肆跳梁騷擾隣族焚毀經典

聖祖仁皇帝赫然震怒遣將駐兵巴里坤地方以遏賊兵之出沒分其賊勢爰

命皇子十四王克為撫遠大將軍總統六師駐節西寧調糧陳兵塔爾寺之呼必爾罕加以達賴喇嘛封號給與印冊俾其主持西域黃教遣平逆將軍宗室延信固原提督馬繼祖議政大臣登州鎮總兵官李麟等率領陝西甘涼滿洲官兵於康熙五十九年夏四月護送達賴喇嘛自西寧出營進征連營十二旌旗浩蕩劍戟森嚴週圍統匝分立大砲賊將車敦敦多布乃敢復萌故智三擊我營官兵大破於途殺首百餘級衆賊喪胆奪魄大將軍王又遣征西將軍噶爾弼並四川永寧協副將岳鍾琪雲南提督副將馬帶領川滇荆楚浙江滿漢官兵由蜀之打箭爐告大將軍王親統猷猷駐扎木魯烏蘇居中調度秋九月大兵會於藏擒殺其巨賊藍

占巴駝駝宰桑黑喇嘛並偽藏王達格咱等招回助逆夷衆而偽將車零敦多
布力竭狼奔遠遁人民奠安月之十五日送達賴喇嘛坐床

勅封成教慶生達賴喇嘛將其地人民賜之居於布達拉振興黃教重衽炎黎
於是僧俗皈依遐邇咸安

御賜碑文鑄石築亭於布達拉之南以紀其事並封康金鵲阿爾布巴隆布爾
扎爾烏顏羅萬等五人管理藏事五人於大召內設立公所一處會同辦理大
小事務其康金鵲係後藏人其昔為拉藏罕仲意因諄噶爾侵犯西藏伊
努力堅守阿理地方有功故封為貝勒管理後藏以西而北一帶地方並拉藏罕
屬下台吉阿旺雲登都納爾等三十餘人達子二十餘戶駐防西藏均食藏中

口糧為達賴喇嘛衛邊有兵馬事宜即帶此等行走阿爾布巴係工布人昔為噶
隆諄噶爾犯藏時伊堵禦之布口子有功封為貝子管理工布以東一帶地
方兵馬事務隆布爾係本藏人昔為噶隆因諄噶爾車零敦多布來藏
侵犯伊同扎爾烏赴木魯烏蘇一帶迎接大兵嚮道建藏始封為公管理西
藏東北一帶地方兵馬事宜頗羅烏係後藏人昔為拉藏罕仲意因諄噶
爾吞藏時伊領兵迎敵被其所虜堅心不降始封為噶隆辦理達賴喇嘛事
務後又封為一等台吉管理後藏扎什隆布一帶地方兵馬事務扎爾烏係本
藏人昔為達賴喇嘛蒼諸巴後因同隆布爾嚮道有功故為噶隆旋封一等
台吉管理藏內隣近地方兵馬事務定大兵凱撤由是西方民人復安衽席頌

揚之聲口碑萬里雍正元年羅卜藏丹律在西海為天兵擊逃遁竄恐其乘間
犯藏撫遠大將軍年羹堯遣撥松潘鎮周瑛統領川兵二千餘名於是歲夏五月
出爐口由霍耳甘孜一帶招撫未就番夷直抵西藏大將軍遣發雲南提督郝玉麟
統領雲貴官兵一千餘騎駐扎察木多以聲援藏兵於次年秋八月探報賊逃入
藏境松潘鎮周瑛選撥精壯五百名藏從由楊八景一路追捕至噶爾藏胡又無獲
阻雪而回是年

勅封達賴喇嘛為西天大善自在佛率領天下釋教大衆喇嘛賜予金冊印雍正三年
全師告撤陞松潘鎮周瑛四川提督次年春復至類五齊一帶查送石撫輯安插

慶曆秋末高川雍正五年貝子阿爾布巴公隆布爾台吉扎爾噶等謀殺貝勒康金

叛國法民人請援

世宗憲皇帝軫念黃教受命內閣學士僧格副都統馬伏臘兆泯協副將顏清如先
馳其地撫援人民以安番衆次年夏四月特遣都察院查郎阿為正師護軍統
領邁祿西寧鎮周開禧副之率領寶慶協副將周永昌協副將馬紀師花馬
池協副將惠延祖波羅協副將劉永貴並參遊各四員滿漢官兵千四百餘騎由
西寧一路進征又遣散秩大臣鑾儀衛周瑛化林協副將楊大立夔州協副將張瑛並
遊擊四員帥師四千騎由霍耳一路進征並遣鶴慶鎮南天祥援剿協副將姚起
龍廣羅協副將馮鸞並遊擊三員帥兵三千餘騎由昌都一路進征旌旗蔽日
銳氣冲天於秋末抵藏之先期有台吉頗羅窮糾合後藏扎什隆布等處地方

番達兵二千餘裝直搗召地擒獲阿爾布巴等獻俘都察院查 等公同會審實其
叛由於十月朔誅於布達拉之前人民復安都察院查 以足藏有功特加陞為吏部
尚書頗羅烏為貝子總管藏事並議將達賴喇嘛移駐裡塘以杜弊端由是晉
學士僧 副都統馬 前鋒統領邁 散秩大臣周 並遊守各四員秦蜀兵二千撫鎮
其地一安西域群黎一防準噶爾逆賊道路並於察木多留雲南兵二千騎派金原任
滇提督張耀祖劍川協副將姚起龍並遊都各一人帥駐其地以作藏兵聲援達賴喇
嘛於歲冬十一月二十三日自召起程吏部尚書查 西寧鎮周 帥領撤回將兵五千
餘人護送至裡塘設路而回川省復遣重慶鎮任國榮帶兵一千為護衛駐防其

處散秩大臣周 緣事調回京都遣派新任西寧鎮包進忠赴藏統帥駐兵壅

護噶爾虜擾劫巴爾庫爾之卡崙西藏奏議派令學士僧 統領精騎一千五

百名並遊守三員暨唐古忒兵一千名出駐騰格那兒打木地方以遏其要路復於餘
樹白兔河奔卡立馬兒納克產生根物南四處各派千總一員領漢土兵數十名設防
卡崙偵探信息於秋三月雪降阨山俱回藏內是年於打箭爐口外之噶達達地方
設協建寺移達賴喇嘛於此協兵外復派兵防千有八百為護佑其城名曰泰寧

御題其寺曰惠遠廟雍正九年春西寧鎮包 以疾物故特陞授學士僧 為蒙古

都統仍統兵出防夏六月特遣護軍統領清保大理寺正卿苗壽加總兵銜泰
寧協楊大之統領川兵二千五百騎起程赴藏更換駐藏副都統馬 並川陝兵一千名
乃久駐之臺汛兵五百餘騎於冬月帥兵起馬至中途陞授工部尚書駐察滇兵亦

例換駐護軍統領清 陞為前鋒統領十年春復陞為蒙古都統同加銜總兵楊 統兵
 出防楊 緣事旋即調回秋九月加陞前鋒統領清 為滿洲都統是歲 欽派副都統
 李柱西寧鎮周 四川提標中協張可才將川兵千名起馬赴藏更換都統僧
 都統邁 永寧協馬 孟雋駐將兵其副都統李 至中途之甲貢地方疾故冬十二月
 總鎮周 統領將兵抵召拉撒地方朔四月永昌協馬 帶領川陝兵一千名自拉撒
 起行雍正十年內都統張 川中協張 將兵出防蒙我

世宗憲皇帝軫念番民特於色拉召之間扎溪地方另建城垣議留兵五百名其餘撤
 回夏六月防兵西藏新來換防之原任工部尚書副都統馬 抵召七月中旬

僧 統領邁 中協張 師領將兵起程回川八月內城工告竣官兵移

乾隆十二年駐防察木多之滇兵亦為議撤全師自察回營復於川省
 汛塘兵一千名內抽減四百名派都司一員駐扎其地雍正十三年逆賊諄噶爾
 畏罪遣使告成

世宗憲皇帝念其生靈勞疾許其聯合割地由是西北奠服復以達賴喇嘛遠離
 鄉土西番人民仰望之懷令其回藏特命皇弟果親十七王至泰寧賜與筵
 宴派遣副都統福壽兵部郎中祈山理藩院郎中拉布坦新任川督中協張聖
 學統領泰寧兵五百名護送達賴喇嘛並京來之章嘉呼圖克於夏四月自
 惠遠廟起程進藏至七月內抵藏布達拉坐床九月內郎中祈 中協張 帶兵五百名隨章
 嘉呼圖克進後藏班禪喇嘛前受戒畢回藏郎中祈 於八月內病故於藏

封爵職銜

西藏地方屬在邊分自唐而下皆有封典迨至康熙五十九年定藏後封康金鵝為貝勒阿爾布巴為貝子隆布鵝為公頗羅鵝扎爾鵝二人為台吉雍正五年阿爾布巴等謀殺貝勒康金鵝亂藏於六年大兵赴藏擒誅正亮七年封頗羅鵝為貝子總管藏事八年其長子朱爾瑪特策登並其婿那木查色不騰二人為台吉雍正九年封頗羅鵝為多羅貝勒朱爾瑪特策登為轉國公十年封那木查色不騰為輔國公封策林汪盛兒通色鍾子為頭等噶隆十二年封次子朱爾瑪特那木查爾並其弟諾彥和碩氣以及大爾扎章陸占巴巴雜鵝大衍台
 六人為扎薩克頭等台吉

八巴

委用頭人乃由貝勒選委亦用才品者在家道殷實貝勒下設噶隆數名總管各處事宜設高覺一名查核境內各項事宜設昌諸數名專錢糧事宜浪子蝦數名管理刑名並承辦各項差使中科兒數名專在大召辦寫文書票簽戲記事務紀綱數名清算賬目其中科紀綱多半世職九放村庄大小碟巴皆由此等人中選用至於出差頭人名曰古操傳事頭人名曰卓尼管理家務頭人名曰業爾巴聽差之人名曰乃興巴其各地方大頭人名曰碟巴次曰熱教再次曰干布蒙古達子之頭目名曰台吉宰桑勞彥其統領兵馬之官有五總之大頭人名曰代奔管兵二百名如奔管兵二百名再煩管兵四十五名局奔管兵名小頭名郭波以上頭人碟巴委管何方即徵

十
收其地錢糧以自食

兵防甲冑

西藏設額馬步兵六萬四千餘名拉撒馬兵三千名後藏馬兵二千名阿里馬兵五千名
名標填馬兵一千名党子拉藏浪木錯等處黑帳房達子共有馬兵三千名阿里前後
藏各處共步兵五萬名至土陣斯殺惟蒙古馬兵八百名頗勇其次阿里標填之布之
兵尚可用餘皆平平其派兵之法於各地方鄉村抽派或十名五名不等出人不出馬
出馬不出人上陣亦穿盔甲其甲有柳葉者有連環者有鎖子者馬兵盔上揮紅
纓一撮孔雀尾一枝帶腰刀撒袋執藤牌背烏鎗長矛步兵戴盔上揮白鷄翎一
甲腰刀揮順刀帶弓箭撒袋執藤牌或木牌其木牌寬約一尺五六寸

八三寸外用鐵皮包釘上繪各獸形以氈羽毛裝束有帶弓箭撒袋腰刀
拿烏鎗不執藤牌者亦有執長矛者所用之箭皆竹為鷓翎鏃如錐長三尺
四寸其弓有木胎角弓者惟是稍身短小而勁亦有竹弓者乃用竹兩片合縛無
稍韌至旗幟以黃紅白黑藍五色綉或布疋為之俱是方旗有長八九尺至丈二
者旗頂旌纓如黃旗即用黃纓紅旗即用紅纓黑旗即用黑纓各與旗色用若對壘
馬兵在前步兵在後凡有行走所食口糧隨地派出本兵駝帶但尋常未見其操演
於三三月間偶過一兩次觀其動打鎗射箭跑馬跌交事畢以冷達銀錢酒食賞之
其兵惟馬上似屬稍長步下怯弱不整矣

設隘防邊

西藏接壤廣瀾界達青海諸番自雍正八年諄噶爾北路犯邊貝勒頗羅烏奏請於夏
初冰雪稍盡青草發萌時派駐藏大臣一員統領官兵一千五百名並貝勒次子台
吉朱米那木查爾帶拉撒番兵二千名前赴打木騰格那兒地方駐營設防於阿里噶
爾要度克三處每年遣派貝勒長子輔國公朱爾瑪特策登於夏初帶領番達
兵二千名駐扎設防於哈拉烏蕪每年派遣和碩氣至彼地方訓練其處兵馬二千餘
名駐防至秋九月大雪降後阻山塞路時俱行撤回本地休息明年仍往設防並於要
道安設卡倫數處一餘樹納克每年派千總一員帶漢兵三千名至白兔河
駐防一納克產每年派千把一員帶土兵十名前至泥洛海偵防一奔卡兵噶爾每年派千
把帶漢土兵各十名前至彼地偵防一生根物角每年派千總一員帶漢土兵各十
名一彼地偵防以上俱於春末夏初青草發萌時前往駐扎防範偵探信息至秋末
雪降撤回於雍正十年夏六月將駐藏大兵二千議撤一千五百名後漢兵不赴騰格那
兒駐防矣其附近拉撒關隘二處一浪蕩離城五十里派漢土兵五六名駐彼盤查往來奸宄
一帕爾離城十里派漢土五六名駐彼盤查往來奸宄其他之隘口隨道皆有察其地勢量設防守

文書徵調

貝勒頗羅烏未蒙賜印之先用文書俱鈐紅色小圖記番人用唐古忒字達子用蒙古
字上下往來重人遵之自噶隆以下皆用黑色圖記雍正九年頒給貝勒印信始之用
印素常亦不多用一切文書乃用漢文小圖記其文條名望貝勒鈐記六字如徵調
兵馬逃則頭目九奔催集遠則用彙信傳調若遇要緊事情則用傳旗以箭一枝

上縛白哈達一個寫夷信於上傳催依期而至一無少悞九遇大事務每日噶隆碟巴忠
義代奔等齊集大召寺內白菓廊圍坐公議如係大事員勒亦至共議而行之

催科差徭

西藏地瘠民貧產物有限其馬匹多係霍耳一帶及西海等處來者價值頗昂
馬自十六七兩至二十餘兩不等徵收錢糧照各地所產或牛羊柴草麥豆青稞瓊
毛毡皮張等物或馬奶酒酥油鷄猪野牲菓食金銀銅鐵各照所產上納設有
公所名曰商上九上納食物等類以及罪犯應罰銀錢俱存公所以充公用並每
年喇嘛念經之費至於士民之服役者名曰烏拉九生業之人無論男女皆派即他處
者亦各派差賦但量貧富多寡不守及頭目碟巴有屋之大者照居屋

數差或十餘名或五、六名照數出人無人則催窮民代役或每日每名納銀五
分遇有大差則派牛馬騾驢富者應出幾頭匹貧者三、四人公攤一匹即女子婦人
能置灶租房居住者亦有烏拉差使除年至六十者始免之

表章貢賦

藏衛屬地乃賞給達賴喇嘛來色免其貢賦今貝勒五達賴喇嘛每二、三年
遣額爾沁貢獻一次其寫唐古忒字表章恭請

聖安以通誠款所進方物乃藏東藏香珊瑚蜜臘珠子木碗卡契刀金絲緞
等物

畧筆雜叙

自康熙五十九年大兵定藏撫有是十數年官兵往來其間崇山鳥道竟成通衢大
路窮區僻壤莫不識中國衣冠人物之盛懷德畏威思歸內附我

國家柔遠懷來誠被無矣自唐而下未有如今之遠者西藏西南約行兩月有巴爾布
三罕巨於雍正十年慕化歸誠遣使來藏經駐藏大人等奏 聞蒙

皇恩俯准賞賜敕書三道並蟒緞琉璃磁器等物於次年秋八月遣使送赴藏地轉
賞三罕甲寅春正月命使赴請准赴都謝恩進貢隨經大臣等轉奏奉

旨着來京於是沿途給與糧餉於四月內令其入京三罕奏貢譯漢錄後

布顏罕奏書

微末布顏雜雜噶嗎兒合掌謹奏大主聖體沖和微末布顏罕不

幸蒙大主仁賞以敕書緞疋琉璃磁器等物仰瞻聖明不勝欣慶向聞大主仁即
欲遣使請安拉藏罕不為轉奏計無貽出今蒙貝勒轉請得瞻大主天恩又得遣
使奏書誠大幸也伏願溫音時頌邊鄙小罕普

天惠矣鑒之鑒之奏書微儀哈達一個珊瑚釘一株珊瑚一串五十五個小珊瑚一串一百零八個
琥珀一串四十六個金絲織成卡契帶一條金絲織卡契小帶五條各色卡契緞三尺白卡契
布疋犀角一筒孔雀尾扇二柄孔雀尾一束黑布一包各色藥一包癸丑年十二月二十日奏

庫庫木罕奏書

大主明鑒微末庫庫罕合掌謹奏大主聖體安和不勝幸甚庫庫木罕蒙大主仁恩賜
以敕書緞疋琉璃等項向聞大主天威溫音如此需降實出望外今貝勒轉奏蒙賜勅

書無涯天恩愛我生靈如同赤子曷勝欣慶特差巴尼尼桑格爾恭謝天恩伏思庫木罕邊鄙小軍惟仰賴大主仁恩以安其生仰乞溫旨不時下降奏書微儀哈達一個大珊瑚二個小珊瑚六個小珊瑚一串一百零八個各色金絲織卡契緞一疋金絲織成卡契帶十條銀絲織成卡契緞一疋孔雀尾管子碗二個各色卡契布一疋白卡契布五十九疋各色藥六包額納特克巴爾布等處地圖一張癸丑年十月十七日奏

葉楞罕奏書

大主明鑒微末葉楞罕合掌謹奏大主聖體安和不勝幸甚向因額勒罕將大主天成仁化曉諭我等今幸貝勒宣傳我等地方虔誠恭順得遂賞賜勅書緞疋琉璃磁器等

戎親沾天顏不勝欣慶之至邊鄙小軍唯乞大主憐愛鑒之鑒之奏書微儀哈達一個大

鈔三個林親中內佛一尊珊瑚一串一百零八個小珊瑚一串一百三十六個香盒一個孔雀尾管子碗一個孔雀尾扇子一柄金絲織成卡契緞一疋各色藥一包巴爾布帶二條白卡契布一疋各色布十疋卡契布一疋巴爾布四疋星衣一巴黑香包阿曹拉一包癸丑年三月十九日奏
又布魯克巴在藏西北約行月餘其罕諾彥林親乃紅帽子傳天道頗熟產大猪稍黍豆麥瓜果等類與中國相同南行月餘即天竺國也考其地於唐時歸附曹賜給印冊印文乃唐國師寶之印六字外有噶畢一族原係諾彥林親分出者日久其勢漸大後因諾彥林親之呼圖免喇嘛楚克賴納木查爾至噶畢地方噶畢即留不放歸諾彥林親屬下地納地瓦二處百姓時常潛逃赴噶畢朝覲由是二家成隙互相仇殺噶畢力窮乃於雍正十年後歸貝勒頗羅爾請兵助之敗諾彥林親之界地於是

諾考林親亦遣使在駐藏大人處歸誠並請赴都進貢而大臣以二家正前仇殺之際暫留使
者在藏將投誠請貢兩造仇殺緣由奏 聞於次年二月差官赴兩家排解不就復
於冬十月又差辦理夷情陝西督標遊戎和尙並貝勒所差噶隆中子以及外委人員前
赴商中之江則成和詳各取永和印契帶二家進貢使者回藏沿途給與糧駝遣赴都城
奏書云

天下含生共感戴滿主西立大主明鑒微末布魯克巴喇嘛查色立布魯克巴古即諾考
林親齊數拉卜等焚香望闕合掌叩拜謹奏為恭請聖安仰祈天恩事西陲愚衆
不辨善惡妄行侵殺西藏貝勒致書宣諭大主天恩仁化我等不勝欣感遣使之大人

力處乞准歸命復蒙 大主賜以生平未覩之異數恩遠貴於黃金滿世界矣好
入恩實萬不能圖報惟有感激恭謝天恩但布魯克巴人愚如獸不知法教因與屢次
噶畢構禍蒙駐藏大人轉奏大主憐憫衆生特差官員噶隆為我等和詳又蒙西藏
貝勒親至江則宣諭大主天恩仁化分晰利害每處置一碟巴照管辦事諄諄致書教訓
我等俱各感激欣然和好自今以後惟有感戴皇恩永遠安樂教求者有布魯克巴人
等多知法度者求大主賞以勅印以便管轄且愚人上畏天威各守法度不致生事世子
孫永得安生者皆大主再造之恩於大主別無所思伏乞憐憫時降教訓鑒之鑒之為此
特差格隆布爾冲恭請聖安伏乞天恩並獻土產各色卡契帶五條卡契緞一疋珊瑚一串
香零八個密蠟一串三十六個五色花布疋布魯克巴白布二十疋卡契小刀一把月之吉日奏
天下含生共感戴滿主西立大主明鑒微末布魯克巴噶畢東魯卜喇嘛焚香望闕

合掌叩拜謹奏為恭請聖安仰祈天恩事東魯卜上合天心恭順歸命仰賴大主天恩安生樂業奏請訓旨之後蒙賜以有生未見異教大恩噶畢東魯卜不勝欣感曾經恭請天恩實不但今生雖萬世不能仰報惟有三寶佛前虔誠誦經祝滿主西立大主萬年耳但布魯克巴等生性愚昧如畜屢年彼此生隙駐藏大臣奏聞大主普慶生靈差官員噶隆為我等和祥貝勒又至江則宣諭大主天威仁化分晰利害教訓和好各處設碑巴一人照看辦事等因致書教誨如幻兒得無欣感今和好惟感大主庇宥宏恩永思安樂而已拜求者滿主西立大主憐憫賜以勅印得賴恩威便於管轄所賜五城人民彼亦知敬畏各守法度以安其生此皆滿主西立大主精憫再造之恩也鑒之於茲之為此特差使者商納克諾爾布恭請聖安仰祈天恩並獻土物奏書微儀哈達

一在大珊瑚八個小珊瑚七十個金絲織成卡契緞二疋花緞一疋象牙一根卡契帶五條帛布三十疋小蜜臘一盤一百十五個甲寅年月之吉日奏

於雍正十三年夏賞給勅書道通噶畢東魯卜已卒於是將地土人民仍歸諾彥林親管轄不愿歸附之民人二百餘家奏聞給與牛隻耕種安插商內江則地方乾隆元年三月諾彥林親齊類拉卜濟親身赴藏朝覲連賴喇嘛並叩謁各大人畢仍回該地矣

又新撫歸誠南城巴卡餘爵納克奇等處查其地在四川西寧西藏三落之中自雍正三年經四川提督周會勛招歸版圖於雍正九年復經西寧總理夷情散秩大臣達烏奏請川陝派員復勘以定界址管屬貢賦於十年夏西寧派員外郎五七筆把式齊明蓋翎哈爾齊遊擊馬受華都司周秉元四川派遊擊李文秀雅州府張植主事納遜額爾黑圖守備和尚會分定界附近